

師

竹

齋

集

師竹齋集卷十

蜀綿李鼎元墨莊氏撰

戊午

古今體詩四十八首

人日借王伯雨茂才

齋

何鳴九山人

人鶴

飲天瑞

樓得春字

不知人日爲何人  
根觸詩情是早春  
緩步出門朋可得  
登樓拈韻酒相因  
東風到處無私物  
宦海何方著此身  
若等放歌吾欲醉  
居然大隱在緇塵

田橋伯兩閉門習舉子業詩以堅之

二妙翩翩吾異友  
新詩脫手似遼丸  
也知甲第登壇易

只恐丁年閉戶難悟道先除才子氣讀書莫厭腐儒餐  
便愁旅鴈羣初失星夜風辰隻影寒

伯雨招飲萬年堂題壁上露竹圖得畝字

我詩躍躍欲脫口無題觸之空搓手粉壁誰栽竹萬竿  
森森欲活蒼虬走燕臺地寒春較遲二月御溝未見柳  
飛飛倦雀思投林倒挂簷前側目久想當畫手下筆時  
枯腸槎杈初得酒十指淋漓著紙濕雲氣霏霏撲戶牖  
崇效寺南法源北生意不知似此否子猷愛竹如愛客  
強爲圍主醉新友竹欲化龍詩欲仙滿堂賓從盡回首  
人生何必千戶侯千戶侯如竹千畝

喜田橋得家書得得字

去年達州亂弟姪隔南北曾寄數封書音耗竟難得聞  
君家信到中情轉惶惑居人懷室家遊子戀故國鯨鯢  
本無親安能辨白黑但恐人流離不慮身陷賊黃耳何  
處來倉皇問消息雖非我家書百里不異域雞犬幸無  
驚老弱尙安食據此信太平將相真無色人各私其私  
何以盡臣職竊聞巴閬間游魂正反側良民具天良殺  
賊究無力大官飽牛羊流民竄荆棘鴻雁飛不棲廻文  
亦空織骨肉生死間萬里淚沾臆似子與我家已仗先  
人德燕雀處高堂安危固不識犬馬戀主人吉凶頗預

湖安得曳影劍一揮烽烟熄

劉芳臯庶常

潛

席上詠檳榔同用東坡食檳榔韻

海南有奇樹天柱地爲礎有實多垂房有葉自扇暑胃  
逆力能順腸脈驅莫禦記我初試嘗橫吞似含乳漸漸  
得其味可生亦可煮人乃忘其粗渣滓竟無阻翻怪食  
名人有吞尚有吐豈同松子甘頗異蓮葍苦猴腮飽果  
粟兩願轉媚嫵咀嚼仗齒牙奔走竭商賈南人食柑橘  
多謂性能補北人食梨棗謬信美如許我蜀音品多數  
之費盆鼓以此傲檳榔竊恐自取侮遊人不到粵如戲  
日失午諫果與龍目僅就市中數食物疑影間多少杯

底弩况我藜藿腸配爾亦羞舉萬里爲名驅人海共羈  
旅異品雖自珍完質果誰與此中甘苦心合共子瞻語  
王山人霖水筆作畫歌得波字

畫手弄柔翰如匠運斧柯得心應手處在精不在多王  
君今摩詰畫癖兼詩魔腕下挾風雨紙上流江河試問  
筆何妙笑示頰微渦水筆古無名寶之將奈何君言此  
奇品若有神鬼呵轉側隨意指剛柔得中和聚墨墨不  
滯帶水水不沱淡之月可掬濃之烟亂拖不流亦不竭  
宜正復宜頗會得水中趣所以號春波初聞如發蒙漸  
味竊自訶用之二十載鹵莽誠負它所作雖異君書畫

終同科我見嘆音絕人聞將半訛少見多所怪真若訛  
橐駝南人重羊毫癡肥笑嫦娥東人重鼠鬚生硬少姍  
那謂名可弋獲如設一目羅此筆得此人何如碩人邁  
正恐此法傳畫筆無人摩

二月三日借田橋伯雨陶然亭訪春得亭字

不遮望眼是斯亭節近花朝柳未青春色欲來冰已泮  
遊人到此酒全醒雲移山影歸禪榻樹擁城陰作畫屏  
頓覺塵心空落落何當趺坐讀黃庭

春雨

二月春城不見春小樓昨夜聽來新清明近有思家客

深巷進憐罔草人燕市魚苗纔出水藉田牛迹幸無塵  
荷蓑戴笠農夫事我是巴山一懶民

春鴻

聲聲雲外叫迴春陣影橫斜頗泥人憶別殘秋纔幾日  
已愁炎夏又來賓關山歷遍將誰託兄弟長依美爾親  
我有家書無處寄好憑六翮度關津

五十初度自述四首

往事全非不必知鏡中衰鬢早成絲詩書誤我窮逾癖  
肝膽傾人老更癡廿載長饑方朔米一枰難覆仲宣碁  
便從仙佛逃名姓正恐青山少鹿麋



歸難如願住難堪薄俸猶欣奉旨甘無妾方知妻愛我  
有兒還望婦宜男驚絃頗笑傷弓鳥自縛真憐作繭蠶  
懶得豪吟情未減每逢嘉客便沉酣

瀛洲蓬島事茫茫莫更迴頭禮法王老去漸知高士趣  
年來頗恕謫仙狂欲成事業名山在坐嘆光陰逝水忙  
寡慾安心從習靜一簾新月一鑪香

舊恨閒愁一筆鉤從今學得大優游名花解語須留步  
小鳥親人輒點頭莫便聞雞思越石不妨化蝶夢莊周  
生涯有盡尋常事縱得還丹又幾秋

淘溝行得陰字

燕臺萬戶千黃金邈邈過過溝中沈錢如糞土那敢惜  
賈得糞土如層岑此溝經營法頗善以流其惡仁者心  
年年一度淘淤穢穢氣驅除瘟不侵鑽溝之夫性逐臭  
元龜曳尾泥淋淋觸人欲病避無計椒香擁鼻愁難禁  
邇來法做溝亦塞有如鼙警與癩瘡空有積壤堆龍門  
可憐坑塹牛蹄涔禹治溝洫順水性下流不達誰能任  
教令高懸六街口飾人耳目欺官箴立法治人先治病  
善政理陽還理陰吁嗟一溝尙如此况爾黃河千尺深

春倦得高字

醉人春色勝春醪幾欲逃禪未肯逃病裏頓教吟興減

閒中乍覺此身高啼鶯有意晴慵聽捫蝨無心癢不搔  
閉戶經朝眠似柳杏花開遍到櫻桃

同人集師竹齋分咏文石屏山膽瓶香鑪碁子拈  
得香鑪限鑪字

小齋號師竹側近城南隅齋中何所有有書三五厨几  
淨塵不侵閒設瓶與鑪屏山當畫軸文石爲璣珠花時  
挿幾枝焚香坐清枯客至談一局興來傾一壺香燼我  
不知樽空輒還沽此樂不示人人或笑腐儒今日齋有  
幸詩人來于于徵求到諸玩斯鑪乃屬吾何必象博山  
佳名量無孤兩耳龍角立四足鰲背扶綠色帶土暈紅

光映花膚中虛頗傲鼎外方不嫌觚以此配迂拙豈必  
金銀塗憶當初鑄時造化鍾靈樞鍊銅得精液不在形  
體粗朱火灰未冷青烟篆長紆薰書書味香薰花花氣  
蘇令君偶對坐賓主何歡娛有碁不服著有器不服摹  
奇珍入肺腑筆墨供奔趨物閒詩乃忙紙上搜奇模我  
齋增輝光我鑑益敷腴季和真俗人愛香徒區區

和鳴九文石得石字

昔夢遊蓬萊海面浮片席伸臂撈星辰入手化爲石愛  
之如明珠珍之若拱璧所寶在不貪羣仙忌何益豈虞  
終見擠暗墮水千尺海若哀無辜送我置安宅鳳池且

逍遙心寬地無窄探我懷中星磨拭出空碧養以河漢  
氣孕以月精魄往往夜吐光隣里詫鯨客大賈時求觀  
千金輒強易趙璧問道歸暴秦枉紆策從此什襲藏忽  
已十年隔頗笑俗眼多誰復知愛惜不謂風塵中何子  
憐我癖作詩究根源恍若手親擇有文何必竒積習固  
難革莫更化作星又被謫仙摘

和伯雨膽瓶得瓶字

人心本空洞得膽心乃寧陶冶竊此理相須成寶瓶孕  
以天一水選擇涓與涇不根花自開陋室饒蘭馨正如  
好施士博愛忘畦町又如不波井潤德分滄溟壯哉王

郎筆賦物工丹青更願撞洪鐘勿嫌持寸莛此器膽雖  
壯妙在中虛靈用之無難色棄之無愠形小大俱有容  
聖賢見儀型鴟夷多短喙惹火燒綠醺撲滿少出竅碎  
身羅磔刑惟擬但守口有戶無啟扇信哉仁者壽請君  
爲我銘

和田橋碁子得子字

好詩碁一杯神妙在著子縱橫究陰陽要不出枰裏田  
橋詩奕秋寸管測元理抽義分微茫窮形極竒詭賦碁  
不賦奕粒粒盒中死敢曰敵手能竟欲築降壘而子復  
善詭添丁爲余喜生男苟頑石雖多亦奚以縱復鍛鍊

爲脆質非玉比我願琢美玉置之長安市須者自取攜  
千百不一毀此願如可酬安用獨私已

搥戰

詩人酒酣推筆硯不持寸鐵來索戰一人五指孤掌鳴  
兩袖軒軒目如電池張信意縮忽伸出沒如神正倏變  
毒手尊拳苦不下石勒李陽方對面時聞霹靂舌底飛  
恍訝鈎戟眼中眩一麾直教侏儒蔽大叫似喝梟虜轉  
奮如魯陽初釋戈振如李陵旣窮箭怒如楚王起投袂  
急如樊噲撞入晏天地之數不過十奇荆參錯指頭擅  
天敵不畏小或怯勝固欣然敗亦善竟爾能撼玉山倒

始信行瀉軍法便翻手覆手我何猜多筭少筭誰當練  
竊聞薦政久濫薦招手搏拳法幾徧拊戰彷彿見典型  
了了握竒經一卷醉鄉糟邱古戰場步兵司馬盡時彥  
我輩酒力勇何如要爲前驅莫爲殿

放歌行爲田橋作

當代才子生西蜀墮地已無富貴福南金東箭多豪華  
恨不移家住蠻觸蜀山之氏何茫茫五帝三皇媼姪鄉  
江若曾聞降帝子魚鳧復此稱賢王古聖先賢代崛起  
才人異士不勝紀五百年前馬與揚五百年後蘇與李  
本朝俊傑何崢嶸丹陵三彭舊知名位不稱才死不朽



誰其繼者田橋生田橋氣鍾岷山秀便便腹笥五車富  
三十六歲老斲輪二百年後爭俎豆大江浩浩蜀之水  
奔流到海不曾止若無石紐村中人吳楚千里其魚矣  
我肩負蜀之山西接元圃南荆蠻若無開切重鑿峽  
米船至今猶閉關山水有靈妒不得浩無邊岸誰能測  
英雄原不擇地生兒童罔用欺天仄西海涯際路幾于  
南海涯際門戶前可嘆黃帝分封地不及春秋潛王去  
賢嗚呼世態今如茲黃茅白葦皆神奇子爲壯夫我已  
老急來快讀青蓮詩大人峴岘當安之

答伯雨問製鼓法

我性甘美食，嬾向易牙究。兒時卽嗜鼓，製法尚矇瞶。昨  
日筵几間，不謂子忽扣。雖畧陳梗概，十已八九謬。夜歸  
問老妻，初若秘不授。徐徐笑相譏，君何問之陋。丈夫治  
詩書，芳潤所宜漱。其液膏且腴，其味醲且厚。達則調陰  
陽，窮亦負羶臭。在朝作鹽梅，在廟陳俎豆。區區家食常  
豈足辱菟狩，况乃中饋職習之。將安售不虞，卒見謫再  
間。轉嫌驟過將歸王，郎良久計乃就老。妻顏復歡，欲語  
先述舊妾本。浙東人，議曾受傅姆歸。君得蜀法同異，相  
補救。選豆第六義，擇鹽又其副。浸之有水，則煮之有火。  
候幽之有溫涼，出之有先後。寒不過七宵，暖不踰五晝。

多涎乃爲貴不熱或抱疾銖兩爭配鹽椒薑雜投首欲  
乾手輕揉欲水汁長溫嗜好殊酸鹹要以五香印別有  
散凍豉乃用蠶相鬥燥濕雖小殊配製不勞復精妙終  
在人能令法奔湊有法無治人未易肯堂構我聞初點  
頭漸味覺言富古法豈不存親炙叅未透似我初豉說  
開口露釘餽况又逞意造動啜法踈漏生菽欲作豉縱  
巧難邂逅水火尙未和遑望效能奏詩成妻索觀頗憐  
媿解駛憑子補食經聊用荅左右

唐將軍

并序

唐君名文才蜀劍人爲京提塘去冬請急歸省

甫登堂聞教匪入境卽身先鄉勇大敗賊於嘉陵江之東劍郡克全方今秦蜀之交尚多賊使將佐得唐等十數人落落布行伍間賊不足平矣因賦唐將軍一章述其顛末以俟採風者

世有真將軍初不在名色苟存忠義心赤手可殺賊唐侯蜀提塘羽書是其職請急回成都身輕鳥一翼何圖嘉陵間教匪正充塞此是家門禍請纓分所得登堂未拜母提刀出門疾爲國肯忘身何況家與室官吏見將軍稽首託城闕父老見將軍垂涕說稼穡丁壯見將軍摩拳就紀律婦女見將軍壺漿出蓬篚義聲動山川殺

氣厲風日截江始一戰斫賊如斫棘黃虬帶血流蒼鷹  
負箭逸賊不識將軍望影號且匿一舉致忠孝豈惟  
鄉國至今秦塞雲不敢落劍北官吏賀將軍感愧集  
臆父老賀將軍念佛頌陰陽丁壯賀將軍挽留不離  
婦女賀將軍羅拜繞前膝將軍笑相謝顧我亦何德  
功成偶然耳實仗里隣力翻身上馬去義不勞酒食世豈  
少將才唐侯固其一戎間失此人頗爲邦國惜嗟哉花  
驚定空載少陵筆

卽事

老慚橐筆掌

絲綸

金殿還容試藝文舉子業荒今

廿載考官望重昔同羣不嫻奔走長貧賤未信空疎少  
見聞五十頭顱霜雪滿當年姑負氣凌雲

四月二十有九日次子闕官生同人集賀分得七

律二首

庭前歡笑正談經婢報深闔次子生但覺有聲震

平戶

牖便求無難到公卿關心老媪先稱賀愛我良朋更洗  
觥頗笑阿翁雙鬢雪孫猶未抱望兒成

最愛萱堂展壽眉弄孫一笑正會飴命名將擬老泉說  
逆德先吟靈運詩老我便愁婚嫁晚似予還怕性情癡  
祝他易長從今數戊午清和月吉時

午日偕田橋遊陶然亭二首

一徑逼層城  
天空樹色平  
江亭饒水氣  
風荻亂波聲  
虛室蜂房密  
疎林鳥語清  
誰能共端午  
邁勝醉陶情  
避債得清境  
披襟頗自豪  
寺藏深樹小  
山擁亂雲高  
市遠吟心活  
僧閒淨業牢  
逃禪非所愛  
舍酒更何逃

雨三首

陰雲忽而集  
沛然下時雨  
瀟灑鳴紙窗  
塵亂濺塵土  
簷溜飛似瀑  
潄聲震如鼓  
穉兒上階遲  
頃刻沒其股  
行蟻未及防  
戢戢汎無主  
雷霆空際來  
勢欲破庭柱  
女驚投母懷  
犬竄入堂戶  
信哉一震威  
足以警聾瞶  
緬想原野

間定已長禾黍高下同日足造物不私與萑稗及蒿艾  
亦各占田圃嗟余坐無田歸計屢多阻日盜太倉粟頗  
慚雀與鼠不愁食者衆但願農安堵

欲雨轉增熱既雨還嫌涼迴風吹夜氣枕簟流清光安  
眠直達旦推窗失朝陽徐起披夾衣餘滴鳴階廊書齋  
清若秋墨池生暗香泥濘斷來客朗潤宜詩腸遠念征  
夫苦雨立撥戎裝近維負販艱滑滑走且僵顧我獨何  
幸假息長在床武不能衛霍文不成班揚四十九年非  
毫釐無所償舊雨日以踈新雨時不忘苟免泥塗辱感

嘆心茫茫



萬物希天恩，易怨亦易喜。於物爲私情，在天實公理。父母旣養子，乳哺定難已。順固遂其生，逆亦救其死。今年春夏交，雨維其時矣。及茲更滂沱，同雲匝千里。豈惟兆豐歲，佇看甲兵洗。和氣流寰中，野水肯如醴。人飽天意歡，農富風俗美。旣賀有其終，先賀有其始。

空甌得甌字

物以空爲用，惟空故能有行藏。用舍間其道，在陶甌憶初埏。埴成洞腹本無酒，旣售德有容。投不拒，升斗糧。艘浙西來，估客挾之走京師。百萬戶，伏爾俗醇厚。掛酌盡厥藏，困亂執其咎。朝登玉堂上，夕棄敗壁石。成功者必

退聖賢莫能守縱復矜虛名已爲醉鄉叟寶露甕且竭  
瓶罄復何醜累累酒肆中卧積亞陵阜終然有用資貯  
物勝土缶飲者尙垂涎戀戀維故友屈原被放初江淹  
才盡後萬事歸太空當前勿孤負

前題同伯雨空字

我聞山會俗輕客幕賓商吏盈囊中不虞水性若人性  
造酒亦極舟所通陶者趨利爭製甕器無大小形模同  
小貯甘勛大五十浙船到處生香風萬人海有京師大  
歲銷百萬糧艘供一饒能給幾人飲但看堆卧山玲瓏  
我來酒肆不忍視太半官民因此窮路遠價高味本刻

况逢奢俗矜豪雄王郎性似覆瓿布對我常誇糟肉功  
醉指墻間忽長嘆世情易薄交難終始利其資卒見棄  
財盡交踈傷我哀嗚呼君何見之晚當年是物原空空  
誤貪清流貯狂藥遂令此身如轉蓬幸遭伶藉去其累  
未卽化土恨埏工方求甃破反初質敢以糞耻誣羣公  
君不見京東京南足燒酒味醇價賤人偏攻南客歡喜  
北客怨瓿乎瓿乎懷浙東

久雨

連朝雨如注土飽不容水庭前卽江湖何處著吾履屋  
漏泉入床闥漫室成泄豈惟席不安書厨亦屢徙却看

天色沉雨勢方未已便恐漲成滂有秋那敢恃側聞曹  
充閔黃河決難理民以食爲天無食盜易起又聞秦蜀  
交搜山翦封豕所賴惟豐年足以靖邊鄙况我住破屋  
上墻亦就圯漫之經幾宵再深益危矣遠慮維萬民近  
愁在一已遠近兩不知禱晴自茲始

苦熱

雨後日轉酷天地成薰籠人物處其內喘汗氣不通黑  
帝誠失權封姨究何功亦思倚冰山陰火藏其中飲水  
如飲湯熱腸焉肯容雲龍且趨炎蠅蚋真夏蟲此輩噉  
汝來眠食安得終緬想田野問耘耨困老農况彼征戍

人鐵甲掇其躬高堂白羽扇何以揚仁風人苦不知足  
斯義還當究嗟哉獲上螳團團避安從

赤雲如赤烏飛焰燎原野江海且沸騰杯水復何假萬  
物固爲銅躍不出大冶薰風不時來微命託廣廈有樹  
焦如焚有山禿如赭豈無救時雨翻似膏潑火陽威夜  
不收明月動相左嗟此熱中人坐卧無一可瓜果空淨  
沉團扇困顛籬皮肉半糜爛况乃防袒裸傷哉乞食兒  
倒卧何其夥佇望秋涼生來蘇物與我

陶然亭口占二絕句

亭亭雙樹蔭禪房人坐高樓六月涼四面蟬聲嘶不斷

渾疑身在水雲鄉

推窗忽放西山入雲氣模糊雨欲來我輩合稱高士未  
綠楊風裏正銜杯

同人約集陶然亭餞別王太守

天祿

冷司馬 鉉玉

值大雨到者惟邵侍御

目昌

王太守及予而已

人海重交道最密是同年不謂杯酒間亦偏有因緣乙  
齋駿馬貴出守何翩翩華雲金吾俊一麾翻自憐都爲  
濟世才蘭譜生光鮮臨別當有贈江亭慘離筵綠樹暗  
不聞愁雲斷還連嗟予性愛酒隔夜催游鞭聞雞起披  
衣急雨窗外懸空庭積成池鵝鴨喜欲顛巷失賣錫聲

林空別樹蟬門無車馬客六街流若川人各私衣裳况  
我寒無氈豈繫口腹微而敢上怨天正恐實有信到占  
主人先爲禮惜不得驅車越市廛一笑謝王邵人三衆  
誠然清光潑眉宇未飲口流涎西山檻外移糲糊米家  
船燕臺百萬戶一氣浮蒼烟翻恨廿載來此景期多愆  
持歸語同好是日真逃禪

詠桂得寒字

丹桂由來生峻嶺無端率率入長安不貪春雨梅輪瘦  
獨傲秋霜菊讓寒山憶淮南堪隱未人今冀北欲歸難  
尋常一樣揚州月多少公卿秉燭看

和查郎中韻送田橋

事多缺恨似明月舉首問天肯欲裂百年幾見秋月圓  
圓時一半送離別儘思北窗傲羲皇歸計未決心先傷  
正擬長繩繫白日流光捨我去堂堂况茲良友有來去  
相思一夜天涯路前途極暗如屯雲後日相逢偶披霧  
功名草草何早遲侏儒飽死方朔飢幾輩當場使地縮  
有人泛海稱天隨藥方各秘不龜手縱得封侯亦何有  
不及馬腹徒長鞭坐歎駒隙成少年英雄肯酒別時淚  
才子枉賦將離篇嗚呼文章交有神由來客子常畏人

哭管蘊山侍御

世銘



去冬哭香海今冬哭蘊山同年日凋謝老健良獨難浮  
生孰無死正人人所憐念君純粹姿性冷無熱官學問  
見根底文章信流傳日夜勤軍機翻合諫書懸時俊游  
其門三日必改觀疑獄孰之讞暗中多生全佛家說報  
應此理宜大年六十豈云歿論德殊未延有妻喪初歸  
子尙廬墓前胡便閉泉路良友爲蓋棺吾聞正直士死  
作神與仙君縱歸樂土人多未了緣

六哀詩

故大學士諸城劉文正公

統勳

文正古大臣立朝見風節引用多端人議論激忠烈真

相亦真將大事立談決識洞語常訥心慈面似鐵  
子握乾綱羣邪自屏絕公能直道行恩從聖主結  
斧鉞也嘗試膽量不稍折輔弼二十年朝野事無缺自  
公捐館舍行路盡嗚咽山頽仰岱宗木萎慟羣哲賤名  
挂門下頗蒙國士列追隨迹雖冷知己淚常熱海濱埋  
卿雲燕山泣瑞雪俯仰風塵中誰克繼高潔

故大司馬涪陵周文恭公

煌

司馬渾璞姿貌古心亦古壁立聖明世羞同絳灌伍  
注情寡言笑文字泣風雨多士游門墻束身見規矩貞  
操清積弊廉風被合浦海外重君實寰中仰山甫宵小

潛巴江一言感 聖主 賜第護綠營胸臆除白虎忠  
信涉波濤識量稱弼輔海神猶見憐斯人孰敢侮戴山  
激私恩頌德懷故土孤情偏愛士高節輕解組未受林  
下福先亡續命纒鄉誼兼師門淚滿涪陵許

故左都御史東武賈公

光霽

東武巖巖姿稟得泰山氣立朝蕭綱常同輩親且畏公  
事無私交苦言少甘味面折首輔降廷諍 天子貴文  
字敵班馬功名薄房魏取士逸德行晰理刪讖緯一官  
任沉升羣處辨涇渭屢折操不移百鍊劍逾利虬蟄務  
撼樹鴻鵠偶垂翅終蒙 聖主恩得伸直臣志膏明還

自煎材大遭風忌老馬避劣駒微疵擯良器當代論全  
人似公恐無二東海水湯湯望洋一揮淚

故學士夏邑彭六一先生冠

嵩高生偉人先生世清德稟性厲廉隅御物見公直東  
官教冠胄子南宮拔蘇軾名仰山是俗文高斗爲北  
天子知姓名士林借顏色篤哉純謹姿允矣楷模式賤  
子下里士推獎不遺力元豹澤衣毛丹鳳添羽翼衣鉢  
有真傳諄誠戒虛飾智者空百慮愚翁幸冠得何圖榜  
櫟材枉蒙雨露植六鷁退還飛犬鵬去以息感嘆知己  
少俯仰身世仄涕泣思報恩生死恨何極

故給諫昆明錢公

禮

給諫溫恭士色和聲無疾抗懷論國是性命輕斧鑕不  
避權貴勢肯屈將軍膝匪徒炫文章正欲厲名實大吏  
法如弛下僚廉無術爲民除害馬防姦樹社稷 聖主  
從如流苦藥甜似蜜人披泰山雲春迴黍谷律弊去豈  
惟百利興動非一 朝廷借威重官常肅品秩謙下待  
友朋傾蓋固膠漆顧余性疎懶乃沐聲氣密飲醇慕公  
瑾執簡思史佚悵望昆明池清風董狐筆

故給諫宥渠藝圃元

激芳

我李千百枝代有埋輪風清節流後裔宥渠繼芳踪鷹

鷓逐惡鳥雷霆驚蟄蟲上以尊 國體下則安羣蒙於  
身輕死生當官破和同直聲海內溢忠心 天子容罪  
薄 恩愈厚秩卑名益崇豈獨市無虎真教門是龍時  
常沐 溫詔崑勉勸天工受 知際千載過分侔三公  
禪人人無怨爲民民不窮何圖墨纒歸遂聞賦鵬凶斯  
人竟早世行路惜匪躬伯道嗟無兒何處問蒼穹

師竹齋集卷十一

蜀綿李鼎元墨莊氏撰

已未 古今體詩七十七首

公署齋宿卽事恭紀四首

百官縞素集 宮門晝日三朝禮數尊 哀詔已隨

遺詔下大臣初付小臣論哭聲震處天爲泣雪意酣時

樹不溫 新政卽今寬厚甚 倚廬猶荷 上皇恩

紛紛白簡動神京中外臣僚正氣生虞舜定宜誅伯鯀

斷宗原自重桓榮從今同道無狼跋此後朝陽有鳳鳴

耳目一新傾 郵治彈丸小醜漫縱橫

金印新從 內府頒將軍何以靖邊關安民察吏心如  
水剪豕屠鯨合似山寧鳥已除知士奮貪狼早滅盼師  
還 至尊宵旰憂巴楚整頓戒行莫等閑

小臣卑賤竟何爲空抱丹心莫已知諫草偶成人借上  
禮儀初辨客虛推醫貧術拙先除酒論世才疎欲戒詩  
却貢 求言 天子聖掛膺多負道隆時

寄田橋

良玉工未削頑然一大璞明珠胎未剖老蚌不如雀田  
橋富腹筭珠玉厚其貌待價而後沽質美不容琢憶從  
昨歲歸一鼓氣初作三冬足文史新春閉齋閣器利磨



以須金祥冶肯躍日夜盼秋風暗小簷外鵲何圖天忽  
崩星辰亦隨落李邵雖善古無使更何託正恐君知信  
虛室興蕭索慎毋衰而竭當令貧且樂我貧博一差今  
已虛無著君貧博一第又遠三年約同爲不羈人晚達  
品逾卓寧甘韝上鷹莫作雞羣鶴

送伊墨卿出守南海

天下無美色不過多傅鉛世間無好官不過多得錢卻  
錢驗清德洗鉛辨昭質以此求人材拔十不得一我友  
伊墨卿心細才縱橫粹然廉靜姿豈在精刑名 朝廷  
選良吏紫綬入君手有海無天地此邦難爲守鯨視暗

磨牙鬪鼓莫敢搥出來黑洋裏寔易生長蛇長蛇亦易  
制多殺却非計禁暴須用威懷遠先以惠沿海排漁舟  
軍伍可藉籌於以資捍衛勿勞兵遠搜搜山有定穴搜  
海無定楫茫茫天水間兵賊幾時接願君爲宋璟莫作  
漢孟嘗徒清不救患土人安得康浩浩南海波君守定  
何處所到裁荔支他日甘棠樹

腰痛

道枉何須問直躬偶從腰痛信衰翁  
蓬條戚施仄齊相笑靈壽桃枝各奏功  
默坐尋詩心轉靜彊眠護痛夢皆  
空勸君莫再費筋力來勸真憐屈尺蟲

寄題雨村小西湖十一首用子由園中草木詩韻  
平生好林亭若好人之彥混跡緇塵中此情久不變聞  
君新構園樂遊許忘倦臨風詩幾篇曝日書一卷據梧  
形偶槁折柳情與婉令公喜無怒歲月借茲道生意滿  
庭除綠草任滋蔓况有竹千竿兼之蘭九畹何必濟蒼  
生猿鶴恨歸晚

我有玉千片挂在青松林風來播音響可以平驕矜俯  
聽靡靡奏鄭衛聲難任流水和其下清商滌煩襟舉頭  
見山髻炊烟爲之簪好鳥鳴且飛躍魚去還深曠然得  
天籟可觀亦可興山水音如何絲竹非爾能

鬱鬱丹桂枝青青長不老依依綠楊條  
鳥巢隨風倒  
直一異生畢世難再造晚秀未爲拙  
早榮亦非巧君看造物心肯爲菊梅耗  
槿花與朝菌榮枯不如草

白楊植平川風大連土坡翠柏寄懸崖  
百年似新插根本有淺深樹立在萌蘖  
林密鳥自歸淵澄魚似約生憐畫中樹  
無根但墨潑也復勝蘆葦秋風吹不落

清清彼蓮塘蒹葭先青蒲正如白面郎  
一夜添鬢不恨鬢生早但惜蒲易枯  
榮華未幾日頽然委江湖天地初無私  
不才負辛勤豈敢怨霜雪振策無良圖

樹木求棟梁待用苦不早豈無百尺材  
又向空山老地

與時相違不如就枯槁所以千里駿甘死鴛馬阜嗟哉  
左與羊飢寒泣相抱衣食是何物人命薄如縞

遠峯如好畫亭亭挂前廳白雲壁其巖屋月爲鈎釘幽  
人卧北窗鳴鳥下空庭花陰忽淡亂瘦影在玲瓏忘機  
混鹿豕眼到無不青何必列禦寇行御風泠泠

憶余十歲日隨君下江南江南好風俗軟語心所甘東  
去窺鏡湖青天光倒涵低頭采其...終日不滿籃年少  
空萬象衆美無一堪壯遊又三度一度一懷慚

弟老兄可知魂夢驚遠遊...攬夢中景思點湖心幽想  
當結構時力盡漁與溝妙緒蠶繭絲一一新若抽恨我

田舍逼曲折路盤虬應如嗜好詩佳句不忍偷

兒童釣游處設想卽在目廟嘴落沉潭絕勝何山麓石  
梁激清泉隨波走珠玉池蓮一片白香稻千頃綠頰笑  
淵明儉疎籬但松菊何以寫我心秦箏雜燕筑清風吹  
竹簫和我陽春曲

春光何爛熳黍谷未全卸清明節謝不青麥苗抱霜悲念  
我故園好秧針白水澗從李門寺芳華永忘荆謝期豈知  
遠慮客早已愁江離不見空倉雀終日常苦飢

寄紹初

賦宦川東北忠州暨達州三年期汝到一字與魚浮路

有陰平穩人多杜宇愁英雄兒女事借箸請爲籌

王述菴少司寇

別

因張船山索余詩集却呈

生不識要津居貧樂自足文章況小技敢用驚世俗船  
山朝入門目光動流燭翻篋搜我詩人手不暇讀歎言  
侍郎至文壇老頗收百戰少降壘只爲此翁伏千里奔  
國喪十年淡榮祿聲光爲景星足音是空谷藉藉道君  
詩得隴復望蜀知己獨斯人我輩當痛哭聞言心暗驚  
信否轉難小回憶數載前謁翁青厰曲五至艱一遇龍  
門峻如築廢食自思過羞將隻字賣肯何拒之嚴今何  
問之淑整冠試往探關怒又屢觸怳然悟前疑掃門非

古獨嗟予有兩膝私室未曾促今甘床下拜祇候不嫌  
辱愛名情最癡多言謗仍速豈不投時好思之已爛熟  
玉柱娃彌月和鳧塘韻原詩有生子如得官語戲  
爲正之

得官憂患始縱得復何喜至樂在家庭況乃晚添子馬  
氏有白眉才如無當卮一杯爲兒醉歡情助我詩繁鳳  
不徒毛彼麟豈在角墮地啼一聲百靈已先覺

鳴九招飲澗滄齋聽黃廣文

遵素

說巴中賊形得

目字

雨霽人意清曠歡飲興逸小齋得澗滄四圍酒氣溢鳴



九知我渴邀坐醉梨粟不速來秣泉十載重促膝記憶  
從前詩肝膽見膠漆苦道寒無氈趨語甜似蜜男兒脆  
憐懷肯向一杯失雪鬢凋壯顏水心結古疾聞說賊中  
事使我憤投筆傾恐三巴人歸去無家室君看壘壘  
貯酒債難詰一朝沽欲盡空腹喪其質百年快如風長  
安近似日芟草根莫留養癰潰可必同人笑謂我此論  
非酒律正慮酒醒時有言不敢述

西涯詩三首和法時帆祭酒

式善

水以龍而靈山有仙則各智仁各有樂涇渭胸中橫西  
涯落人海得一天自清茶陵偶來居心潔眼倍明學問

有淵源懷抱無府城闕此當枕流種荷掇其英有魚一  
二寸結亭三兩楹十友時往還蒸聲雜書聲道義宿相  
重祿位誠所輕不信衣冠中鬼蜮多變更同輩日凋謝  
私衷頗韋縈剛強死之媒柔弱全乃生

抗懷論往古千載如不隔元明事已非況乃相公宅司  
成性閒雅搜古得其隙斷橋無復碑心契一片石月夜  
時獨遊往往造遐僻興來溢真趣水色蕩天碧何必問  
主人茲意良有適君看木堊花朝榮不待夕世事如反  
掌人生幾兩屐我輩與文獻偶爾見今昔旣往何足羨  
未來真可惜期與水同流更與水同積

好色在娛目美酒惟適口誰言物不齊松柏等蒲柳古  
人秉燭意斯理嘗自剖不謂西涯遊人皆我獨否夢想  
初未真敢議山水某昨讀時恍詩躍躍神往入身行半  
天下茲涯亦何有最難同輩人文字多益友萬壑知赴  
海衆星解隨斗如何挈瓶智而云善自守如意雖早忘  
詩情肯終負孤懷緬介石同心羨靈藕

贈尹楚珍侍郎先輩

壯圖

鷹鷂縱剪翮擊猛氣原厲驂騑雖伏阜追風志仍銳滇  
池產人傑憂國見經濟除莠培嘉禾滋薦樹叢蕙迴翔  
始瀛洲淵默如不器鶴立鷄羣中不鳴已自異一舉盤

雲霄澄清攬滂轡西北數千里貪人正沉醉但能去害  
馬不惜劒磨礪中外聞直聲跼蹐却垂翅得遂將母情  
功名倣屣棄鑿錙埋豐城光射斗牛次我皇調玉燭  
斧鉞扶大義彼姦應伏誅此忠乃錫類萬里奉明詔  
丹心感殊賜小人惟有母拜恩敢竊位至誠感羣  
工大孝格天意萱堂溢輝采婺星吐靈瑞出處但如  
此明良慶遭際老子真猶龍莫測其所至

題馮玉圃給諫

培

鶴半巢詩集四首

解得一松一天地便疑天籟在毫端神仙墮落尋常事  
總覺文章稱史官

書生結習半情癡  
春鳥秋蟲彼一時  
我亦當年苟奉倩  
就中愁讀悼亡詩

十五章詩樂府新茫茫  
五代竟無人維持忠孝歸風雅  
恰似歐陽傳貳臣

生憎名士盜虛聲  
畫鬼圖仙假性情  
碧海鯨魚君掣得  
可能分我一杯羹

都門新樂府六章

撞木鐘

正人心也

京師狡者以莫須有事  
愚人取利謂之撞木鐘

撞木鐘木鐘何必響  
口吐天花舌翻瀾  
令人能作非非想  
眼前趙孟豈無人  
能貴賤之原有因  
幾輩請纓苦無

路昏暮乞憐約何處不見主人翁見其似者心惶忪謀  
官使爾官缺好求財使爾財路通不是撞木鐘暗覺所  
謀未必遂先報預爲退步地百慮偶一得逢人說項市  
德色下愚金盡死不悟只怨時乖未敢怒又持木鐘撞  
如故吁嗟乎白晝劫人有如此險哉人心魄於鬼

糊籠局

悲世路也

京師有糊燈籠局夜行便於市取然特小偶不經意

輒復焚燬故俗以謀事不忠固所苟且者皆謂之糊籠局

糊籠局糊籠局紙光竹素動流燭黑夜照人防失足防  
失足意何降外有耀中空空容半途兩兼風星墮輝燭  
滅紅一夜之交交不終世人但愛面皮好粉壁雕墻置

糞草那管三日兩日隨風倒君不見大厦棟梁半朽木  
油漆其外光渥渥又不見元宵燈火湧鰲山一片蘆席  
塗金丹萬事苟且糊籠局世上那有真神仙

官利債

思廉吏也

市指以重利借結  
選人謂之官利債

官利債借選人千金券三百銀較盡錙銖不敢議一紙  
文憑一掬淚官衙不是郭家之金穴部民亦是慈母之  
骨血何忍鞭撻我赤子剝取衣食爲爾悅爾則悅民則  
愁補瘡割肉非良謀還爾銀裂我券如此廉吏今不見

雞毛房

傷窮民也

京師以鳥獸羽毛實房中  
寒無衣者爲宿焉謂之雞

房

雞毛房雞毛房地爲床體寒無衣腹無糧夜擁雞毛尸  
欲僵微命不如鳥獸安得深毛豐羽蔽雪霜苟延一夕  
命飢腸插千刃生小不知衣食艱向人羞乞三文錢忍  
飢便欲住一日主人含怒逐我出更恐今宵不容入此  
室低頭出房門舉目無一親日遠天高呼不聞但求速  
死卧官路不願雞毛房中住

騾馬市 重生命也

騾馬市朝爲活市暮死市活市市逸足死市市皮肉一  
旦暮間事反覆不死不活更何屬湯鑊在前刀在握死  
葬人腹死亦福只恨主人心大酷四蹄一生爲君疲少



盡其力老棄之君家自不少惟蓋忍與驟馬一時賣傷  
生命積錢財地下怨鬼多於乾谿臺罪彼鼓刀屠者胡  
爲哉君不見古長平四十萬卒同日阬又不見菜市口  
劊子殺人如殺狗

金魚池 戒淫奔也

金魚池金魚池池邊蔓草何離離美人一笑醉瑤席桃  
花爲魂水作魄梧桐枝上雙鳳皇飛入尋常燕雀宅燕  
雀喜鳳皇驚挾彈小兒無眼睛中汝要害摧修翎倉皇  
不得施爾能池上鴛鴦縮頸笑池中蝦蟆鼓腹叫叫爾  
不回頭笑爾不知愁床頭金盡風馬牛更抱琵琶過別

舟君不見指揮昨日驅流媚金魚池上皆空房

雨村爲改前詩重寄二首依韻再和

到處鴻泥偶紀狂敢言風雅得詩情膏肓病少三年艾  
囊貶心慚一字榮事業名山真未信源頭活水本來清

豈甘千里猶人畏

用楊誠齋語

獨遇先生欲罷兵

聞道

王師尙有征請纓難忘故園情米鹽聽易懷張

詠羽扇虛搖笑顧榮天下軍儲因蜀足

諺云西蜀關中熟天下足

士女待河清書生未解籌邊事抱膝微吟願洗兵

題伯雨揖薰堂詩鈔

燕山北來雲蒼蒼蜀江東下雲荒荒萬里會合升天堂

我曹得之爲肝腸傾蓋便覺眉飛揚再接始令詩社忙  
左彭右何相頡頏牛鬼蛇神胥退藏十歲開口吟鳳凰  
吟成雷電輒取將蜀錦光明新製囊贈君許爲收遺亡  
金不在多在精良一狐腋皮勝千羊終感厚意投百章  
字如蠅頭墨花香誦之未竟薰風涼使我萬言成秕糠  
三十男兒來日長讀破萬卷誰能量當代宗師朱竹垞與  
王阮亭眼前畏友邵壽民與張船山尙論已無人在傍胡爲區  
別漢魏唐濟水自清河自黃有本定知非潦潢人生歡  
會何無常何且市隱彭歸鄉况我滿頭堆雪霜日久悲  
歌心暗傷不如快意傾千觴身後之名安可商

山堂行書歌 并引

山堂姓蔣氏名仁自號吉羅居士余西湖十文  
之一也爲人沉靜簡然浚於名利布衣終老家  
無僮右能詩善飲飲愈多而容愈謹每作文必  
避人苦思尤工書結構具有天趣然頗自愛非  
其人雖片紙隻字不可得余往遊西湖社交十  
友山堂獨能腹稿稿成後書故生平無塗抹字  
同時梁山舟司臬以書名浙西尤異而忌之嘗  
爲余書詩卷什襲有年而山堂已作古人因檢  
出命工裝池詩紀其後時嘉慶四年七夕

細雨沉沉鬼夜泣倉頡造字天維裂李斯蔡邕同一愚  
後來鍾王更癡絕書記姓名何必工結繩結字將無同  
最憐唐室立科目那堪宋代推元豐宋刻唐碑蹟已少  
爭傳金石技亦小自適其意妄用名我於山堂見其表  
山堂靜者養有餘能書却畏人求書布衣之貴勢難屈  
公卿到門垣屢踰憶昔西湖賭酒日飲酒愈多色愈慄  
興來爲揮酬唱詩急取更防雷電疾細若蒼蠅癡欲飛  
勁如枯木孤無依盤空未嫌鶴頸瘦委地不厭豕腹肥  
山丹浙西老名手折臂恐落斯人後莊門於物皆無爭  
爭此區區母乃醜我於山堂見其真不重筆墨重其人

平生舊雨半零落展卷惟有淚霑巾

鬼塘病久而信庸醫慮其傷元氣也詩以勸之

驅病如驅賊選醫似選將豈不事攻伐元氣未可喪當  
其初病時身弱神尚玉生軍搜根株雖苦用猶當姑恤  
既養姦陰邪日以壯脈浮出三關形枯累五臟妙藥茲  
奏功寬猛兩無仗何以知良醫法必濟名相先求寸心  
安漸令四肢暢生死而肉骨庸手焉敢望投鼠須忌器  
此義古難忘最憐沉痾人欲速性偏亢小利滋大害如  
以殺止謗便恐川壅潰萬夫莫能防性命爭毫釐那得  
不惴惴慎哉復慎哉時醫半孟浪

八月十有九日聞 命充 冊封琉球副使恭紀

二首

宦海浮沉又幾秋生涯頗類海東鷗忽聞襲表來姑米

已見星槎入女牛 帝德如天無異域臣心似水可同

舟外藩共順球陽最 龍命何欣得繼周乾隆二十有

琉球副使為同鄉周海山先生鼎今繼之亦異數也

四署班齊十四人封使例以內閣翰林都察院禮部四署人充選同引見者十四人

天顏霽處盡儒臣望洋敢信蠶能測涉險全憑節有神

一品虛名將號集封使例賜正一品蟒服因借用會昌一品集廿年舊夢

肯迷因甲辰九月會夢遊海覺時惟記舟牌有免朝字并記詩有雲養淡螺深之句昨閱琉球志畧封

舟圖恍同行况值星爲福

正使爲趙介山修撰諺有海狀元天下福星之語故云

不揚波際此辰

哭鳧塘

大椿萎多年已憐萱獨茂猶幸紫荆樹林立耐昏晝昨  
夜秋風悲吹折最高枝根本一以傷衆葉皆離披離披  
不敢怨天道固難算爲善降百祥聖經亦河漢嗷嗷枝  
上烏哀鳴護其雛雛啼爲索食豈便知反哺獨情種樹  
人栽培幾冬春材成不竟用大匠空多門

舉世無伯樂誰識千里馬卧死槽櫪間那辨真假笑  
彼驚駘姿得意當風嘶與人不一心鞭策將何爲乃知



死駿骨不如肥馬肉虛名誤終身泉路同一哭

再哭鳧塘五首

朝哭血自飲暮哭聲暗吞豈不知號咷有母將  
八旬人老心易傷况兒是麒麟百計思承歡  
笑容皆淚痕情到極哀際非慟無由申欲慟  
不敢慟此情難語人

秋蟲鳴唧唧寒風響獵獵何處聲最悲  
熒熒螢光轉妾羣雛尙嬉戲索抱踵相接  
愁緒撥不開甚掃落庭葉年少失所天  
難貞是苦節所以杞梁妻一慟城崩裂

世人重子息送老將有濟憐君兒女四  
合計剛十歲豈惟不知哀並不覺君逝  
生年未五十此棺那可閉教養

待其成亦固爲我事饑寒不自保何以任斯累

勤學如弟少嘔血作文字早知命不延茲事亦可棄讀  
君感時驚激發見忠義誦君館閣詞朗朗廟堂器行世  
知有期莫救眼中淚信哉身後名不如生前醉

貧家事事苦骨肉恩難全歸葬空有心不知定何年况  
余承 使節於義無宿延殯汝旅館傍孤魂誰見憐慎  
毋隨我行東海浪拍天海浪猶可平此淚無由澗

題陳蔭山舍人

庭槐

借樹山房詩草

借樹猶難况買山

船山句

我曹清福爲詩慳孟郊未死昌

黎壯肯放風雲得暫閒

海東雲氣太離竒想見中書落筆時待我球陽歸櫂日  
與君重論大蘇詩

送伯雨之天津三首卽用其贈芳臯韻

駿馬立通衢伯樂過必顧奴隸廁其間瑕疵遂多故我  
曹欲登高先資濟勝具海島求神仙有遇有不遇嗟哉  
王孝廉爭食到雞鶩此去多逢迎雖屈宜小住

渴莫飲盜泉行莫由捷徑與君交最深臨別可無贈俠  
腸富經綸那慮室懸磬者將欲登壇未戰謀已定要須  
加小心慎毋任高興令名德之與有母倚廬聽

悵望直沽水嚴冰結層陰悲歌送壯士知古不異今少

陵舊草堂木茂多鳴禽定能識故主可以清塵心世豈  
少子期恨少伯牙琴津門多鯉魚毋忘金玉音

簡芳畢水部登前龍三首

水別易牙知曲誤周郎顧萬事誠則明人孰測其故芳  
卓抱奇才詩膽一身具美玉韞櫝中沽者自難遇寧爲  
罍露鴟莫效刻鵠驚高人除醉鄉何處可容住

梅花非俗香雪嶺無熱徑羨君品格竒二物可持贈何  
以清兩耳禪林送辰磬何以破孤愁稚女解昏定况有  
賢中饋藏酒助吟興門前軍馬喧高枕不曾聽

落日空庭大椿有餘陰雅人坐虛室稽古而居今窗

前有談雞階際來幽禽問之胡能爾主人無機心雖爲  
爨下柯未甘作鳴琴鳴琴豈不好塵中誰賞音

贈鳴九再登前韻三首

至人能達觀既墮莫回顧慧劍須立斷需則生變故書  
生售毛穎本非致富具千金壽相如酒肆亦奇遇不見  
公雙雞饗人更以鶩長安米珠貴樂天已難住

吁嗟何山人詩腸開別徑垂老坐詩窮綈袍有誰贈儒  
生賦命薄泗濱一浮磬白雲誤出山歸山正難定踏雪  
訪故人世少子猷興市交多甘言塞耳不能聽

仲冬天欲雪孤陽散羣陰連宵雨霏霏氣候殊自今似

憐無衣客樂意先春禽枉厲松梅骨不如葵藿心喜憂  
亦何常聽之雍門琴破涕忽爲笑平原豈知音

仲冬二十有一日蒙恩賜正一品蟒服恭紀

釋褐回頭廿二年帷裳著破坐無氈袞毫未補巨滋愧  
服忽來膚澤似偏萬國衣冠齊就日兩行旗仗欲參

天

是行謙  
龍旗

御仗

鴻猷黼黻諸公事願播仁風對勉專

連宵細雨憶與鳧塘往日聯床今不可得遂有是

作

生時日聯床未覺兄弟好忽爾成永訣觸處聚煩惱煩  
怪仲冬雨如爲愁子造四壁秋暗悲獨被冰在抱喚起

泉下人定憐我枯槁我枯弟或知弟憐我不曉夢對無  
片言翻嫌性太矯自從君死後枕淚落多少覺來聽窗  
前浙浙聲未了恨煞雨不情一夜送人老

隣樹

隣樹何亭亭獨立西北隅自余入茲室樹已十丈餘春  
來鬱作山冬至孤若梧最愛夏蔭涼不厭秋聲踈曉烏  
鳴其顛催我早讀書暮鶻噪其下勸我須提壺月影送  
圖畫風韻來笙竽芳隣但如此何用歸吾廬昨夜霜氣  
惡摧枝如摧蒲起來盼中庭四壁顏色枯南枝與北枝  
本是同根株陰陽何不齊生死忽以殊死者旣已矣生

者望其敷感念田氏荆撫膺一長吁

題張子白大令

若深

春明錄別圖

往歲聞君各因緣船山口今歲見君面因緣茶山酒合  
併數靡常結交義貴久未識天下士斯道能敦否醉之  
觀其性激之試其守規之視其改勸之驗其受以此篤  
同好虛左九居右敢謂緇塵中子白入吾手子白士元  
才百里亦何有我曹戀舊雨斯民待慈母 天子求循  
良各實焉可苟騰騰荐章內龔黃究誰某憶余初入仕  
氣粗竊自負蹉跎二十年樗散送老醜君今始捧檄情  
已浚墨綬作吏如作詩用意期不朽錄別先成圖誼豈



忘諍友造福知有方得龍定非狗鼎昨承恩命星槎  
指南斗莫愁宦海險險讓東洋首茫茫天地心機蝨那  
容扣臨歧各努力春信上梅柳

將之琉球留別都中同好二首

聚久纔知欲別難莫愁絕島障狂瀾男兒忠信神先許  
天敕威靈墨未乾普海不勞勤武畧中山尤重遣  
儒官乘風破浪尋常事眼界真教得大觀

夏去冬來異伯勞

伯勞以夏至來冬  
至去使者反是

定憐神雀護旌旄

瀛洲况味心原識博望聲名今已叨落落星看天外小  
迢迢月向浪中高茲行倘得江山助弋取奇文當釣鰲

彭仁趾廣文

昭麟

膺薦入京喜得田橋消息

廣文能殺賊書生未可量一朝棄寒毡氣壓麟閣上  
天子咨賊形歷歷繪其狀卓爾吐要言屹然敵名將弄  
兵已四年何忍問巴閩且喜蛇豕蹙漸有室家望况聞  
仲淹至已見房琯放自此荆棘開莫令土田曠黃耳復  
南來飛鴻又北向故人兩載別隻字萬金貺翻愁病匆  
匆此情厚能諒弟妹偏無書搔首轉惆悵

嘉平十二日雪

此首通韻主吳氏韻補

入冬曾集霰洪鑪點片雪欲下來歲與歲暮望尤切天  
聽自民聽重雲一夜結藤床下層冰絮被擁生鐵晨起

盼庭除鹽池積新月出地萬瓦浮排空作銀闕癡童持  
帚前蓄意欺玉屑奪帚急止之此豈難理說皎皎原易  
汗處世忌孤潔終恐天鵝毛於物太分別峨眉千丈峯  
六月頭尙白托足豈不高得所性能適江海百尺濤三  
冬雪無迹托足雖云卑投石水不逆爾自不擇地受汗  
何敢惜慎毋矜素心蒼蠅妒圭璧

十七日雪

前雪何霏霏今雪殊碌碌寒威錮花氣強出不能六北  
風揚珠塵南箕簸玉粟霑灑城市閃流光靜而肅車輪  
輾有聲馬蹄踏未服短衣搏雪兒手裂焉敢觸西河冰

益堅東閣梅愈馥便恐二物外天心別無屬何人動詩  
興騎驢訪修竹地偏雪仍厚時有鳥下啄

仁趾見和雪詩依韻再答

仁趾於爲文清淨奪冰雪華鋒犀利處白玉一刀切和  
我吟雪詩寒光紙上結擲地金石聲錚然動簷鐵便疑  
城不夜銀漢襯孤月又疑海不波琉璃飾仙闕浩氣排  
天闔霏言下瓊屑置身水晶域妙境那能說早歲遊越  
東未識雪花潔癡如謝家子撒鹽似無別場來宦京華  
初辨白馬白緇塵一以空澁性與之適東郭是前身市  
兒識履迹猶幸畫堂中美人笑莫逆秉賦原冰蠶冷味

還自惜但許方爲圭未甘圓爲璧

烈士行爲贈守備李遇春作

并序

遇春遼州人丙午武科舉於鄉逆匪徐添得玉  
三槐倡亂遼州肆焚掠民不堪命遇春被庶募  
士捍衛一週身長七尺有奇多力善射能拔礮  
發火擊賊數戰有功賊相戒不敢入其境蓋錦  
坪之役遇春奉調鄉導中途遇伏馬蹶被執賊  
百計欲降之飲之酒遇春曉以大義不聽因坐  
地大叱且飲且罵賊不敢近以礮擊殺之事  
聞贈守備蔭子官廣文彭昭麟同在行間言

之甚詳屬子作詩

巴州達州逆匪起殺人如麻血如水官軍力薄居民愚  
屨之避之同一死中有烈士李遇春攘臂大呼救鄉隣  
爲千百人作其膽自成一隊生力軍右手持弓左挾礮  
胸藏韜畧誰能料勇冠貔貅十萬兵氣吞蛇豕三川盜  
曾經雪夜砍連營成都猛將有花卿子章髑髏擲帶血  
深山狐兔竄求生馬革裹屍志不小狄人歸元事亦少  
丈夫臨陣鑿齒門心肝奉國負奇表誤落陷穽非虎癡  
伏地一吼百步威獵人罔用計關樞此頭可斷身難移  
壯兒何必勸朝笏科名自古出人物寧甘罵賊鏤中烹

豈肯從逆草間活維時衆谷陰風號白日慘淡啼猿狖  
屠伯舉刀不敢近礮聲轟處骸骨焦蔭汝一子贈汝職  
天子惻然動顏色忠魂正氣安可磨知爲厲鬼亦殺  
賊

得雨村紹初書感賦

書來苦道憶鳧塘讀未終篇淚滿眶兒女已經忘哭奠  
弟兄猶自問行藏七千里路魂難到五十年華夢易償  
好學顏回偏不壽空勞詩稿細商量

凶信曾經九月傳兄書是日寄幽燕尙煩賦序求元晏  
來書囑鳧塘求董紀二公詩序豈料詞壇失惠連況我正吟將母句何

人爲誦陟崗篇遺文弱息皆愁緒負郭先無二頃田

和仁趾大雪偕鳴九僧房限韻之作

雪狀詩情信可徵便疑畫手得吳兢狂於柳絮風初起  
瘦到梅梢月暗升東郭有人還視履西河無處不藏冰  
未能訪戴心猶妒吟興輸他剪佛燈

歲暮述懷二首

不貪名利不參禪混迹緇塵又十年萬物獨於書有癖  
半生惟與畫無緣漫言從海心如水祇覺因人性似船  
順逆憑風何必問乘槎弄月是神仙

蕭齋枯坐却如禪剩有空囊也度年心到計窮能不動



事經見慣肯隨緣  
背人莫笑嘶風馬  
當局纔憐上水船  
力盡聲乾行未得  
舉頭雲外羨飛仙